

## Bota e fëmijëve - Lojëra

### Roza e Rozina

Sot fëmijët kanë orën e gjuhës shqipe.

Mësuesi u thotë që do të lozin lojën "Roza e Rozina". Fëmijët gëzohen, sepse ata e duan shumë këtë lojë. Të gjithë kapen dorë për dorë dhe krijojnë kështu një rreth.

Duke ecur njëkohësisht në drejtim të akrepave të orës, ata e thonë vjershën ose e këndojnë atë:

Roza e Rozina  
na sjellin trëndafila,  
bashkë me zambakë  
dhe me lule të tjera.  
Sillu-sillu rrumbullak,  
s'kemi ftohtë aspak.  
Duke lujt' dhe kërcy',  
Ulemi e thërrasin: "Byyy!"

Në fund, kur fëmijët thërrasin "Byyy!", ata ulen galiç dhe bëjnë kujdes që mos t'i lëshojnë duart.

Pastaj loja fillon nga e para. Kësaj here, ata ecin në drejtim të kundërt të akrepave të orës.

#### 1. Shkruaji fjalët saktë.

1. Loja quhet: Roza e ...      aiznRo \_\_\_\_\_
2. S'kemi ftohtë ...      pkasa \_\_\_\_\_
3. Roza e Rozina na sjellin...      ulel \_\_\_\_\_
4. Fëmijët e duan shumë këtë...      loëj \_\_\_\_\_

Marrë nga libri dygjuhësh me tregime: „E treta, e vërteta!/Aller guten Dinge sind drei!“

nga autorja Desara Beqari Gjonej

Teksti lexohet nga autorja dhe fëmijët e emisionit në Radio „kikiriki-shqip me fëmijë“